

永平府志卷之二十三



萊陽宋 琬撰次 府學訓導徐 香叅訂

蕭山張朝琮續纂 盧龍教諭胡仁濟校輯

藝文下

登高作賦攬勝題詩備紀山川追蹤風雅地恒因人
重人不因地傳故滕王黃鶴猶之乎樓閣耳得勃顛
句遂爾永傳世之攀巍陟峻唐突山靈者多矣極其
磨崖刻竹不知幾况滅于苔蘚風雨間而剩水頑山
乃經芳躅一遊一詠以垂千古本不存乎其地可知

永平府志 卷之二十三

一

已矧陳蹟已灰名言不朽青山依舊斷碣徒新今昔
盛衰足感地接漁陽聲多塞曲若能已于無聞乎

賦

弔夷齊賦 明 王世貞

盧龍故孤竹也城西有伯夷叔齊祠吳人王世貞
奉使過此酌水酌焉而為之辭

日子奉輶以東逝兮策馬放乎令支山巘屹而鬼壘兮眾
草薺萑而條緇俞兒道余於卑耳兮武夫磷磷其叅差曰
帝之握樞兮顛改煦沈寥而惜悽元宮承雲而黓霽兮

僉告余二子之所都羌回慮以返照兮洪忍踏靡而內疑
足次且欲卻兮又雀躍而前趨段含光劇余之素兮挽清
冷使濯余之歲嶽招沆瀣以醞醴兮爨朝霞以爲餒餒噓
元冥之竅機兮噫噫拊歌之憤愴受哀絃於太娥兮涓延
和之以清商靈蕭蕭而若覩兮與回懣燭乎微躬又恟悅
其不可卽兮掌夢疏帝以奚從眺孤竹之亶曼兮台要靈
以故祊生剽舉而脫屣兮寧鬱鬱處彼幽方溟波委輸濺
貉兮箕蒙難而延宗靈庶偕以翺遊兮語侏離而不可通
北海泱泱靈所辟兮受淳涵使不得寧將岐豐沃以愉兮

靈又薄周德而莫宮諸毗綿延具區兮太虞夷猶於其旁
羗德配而耦娛兮靈謂狎附乎周盟陂陀首陽忽峩寧兮
益薇以荃之芬芳靈闐闐而下臨兮將總駕以憇息掌夢
申申以表誠兮豐隆曳而來假霓車殷殷以翩纘兮皎雙
鴻之次翼匪寶璐而陸離兮舍離芷以彌馥介九賓而見
予兮祝史要予以靡忒伯從父以成命兮叔違親以成德
倣舍君以明志兮旣殉主以明極昔巢許之讓皇兮托勳
華而稍佚尹五就而拯塗兮愀然而故主以惶恇謂題跂
以死名兮莊任誕而廢節遷嘒嘒於驥尾兮嗜微聲之有

托彼纍修辭而求白兮卒牢怪沈乎湘澤釋鄒人之無怨
兮迺從容於天則世滔滔而悲涌兮戰伐莽其相仍顧蒿
目以揆撫兮競含沙而盡光騶虞草以伏食兮於菟誇咀
夫衡主陽鑄之齧織鱗兮偃蜺神龍以自矜靈旣悼農虞
之忽沒兮氓躑躅而殷慕愧突梯之苟容兮將捐足乎靈
御胡司命之不晰微兮抑餽糟以昏鶩盼媼娥之要渺兮
捐濁軀而不及顧

辭

古碣石辭

古碣石者本禹貢冀州之域蓋今東南海運自海而北達漳河實出乎此予喜其上符唐虞之舊制也勒之以辭

惟聖建國實曰冀都北極之運萬邦作孚宮廷彤赫時彼中居士女和會溢鄗塞鄂江檣白粲淮耜黃淤聿官有漕竟海其艦偉哉碣石枕我海隅表此水道長爲委輸上蟠乾奧下結坤區割流獫狁養披秀醫閭三月播盪星辰盤孟

永平府志

卷之二十三

四

惟神罔象鼉鯨龍魚颿扶纜守翼奮鱗驅悉輦國用來通帝家自國有貢或河而渠或砥斯鑿或絕或踰繭絲紈帛金寶象珠搜毫竭縷滿廂壓車矧茲米粟誠係藏儲得一圭祚懸萬命軀漢季轉輓唐扈征需於穆我后仰唐承虞按之圖籍實以德符普天率土瞻戴罔渝偉哉碣石厥狀屹如若柱斯植若用斯塗溟漲如席濁滯以趨削嶮勒辭永代是模

詩

碣石篇

魏武帝

雲行雨步超越九江之臯臨觀異同心意懷猶豫
不知當復何從經過至我碣石心惆悵我東海

東臨碣石以窺滄海水何澹澹山島竦峙樹木叢生百草
豐茂秋風蕭瑟洪波湧起日月之行若出其中星漢燦爛
若出其裏幸甚至哉歌以詠志

孟冬十月北風徘徊天氣肅清繁霜霏霏鷓鴣晨鳴鴻鴈
南飛鷺鳥潛藏熊羆窟栖錢鏹停置農收積場逆旅整設
永平府志 卷之二十三 五
以通賈商幸甚至哉歌以詠志

鄉土不同河朔隆寒流澌浮漂舟船行難雖不入地豐籟
深奧水竭不流水堅可蹈士隱者貧勇俠輕非心常歎怨
戚戚多悲幸甚至哉歌以詠志

神龜雖壽猶有竟時騰蛇乘霧終爲土灰老驥伏櫪志在
千里烈士暮年壯心不已盈縮之期不但在天養怡之福
可得永年幸甚至哉歌以詠志

觀滄海

六神諸山淪漣大壑北風勃來簸蕩不息帝命巨鰲更負

危揭冠簪東出以爲碣石燭龍雙眸以爲日月下苞蒼蒼
浩蕩靡極幸甚至哉歌以詠志

屠柳城

繆襲

屠柳城功難成越度隴塞路漫漫北踰平岡但聞悲風正
酸蹋頓授首遂登白狼山神武懋海外永無北顧患

望首陽

晉阮籍

步出上東門北望首陽岑下有採薇士上有嘉樹林

望海

隋煬帝

碧海雖欣矚金臺空有開遠水翻如岸遙山倒似雲斷濤

永平府志

卷之二十三

六

還共合連浪或時分馴鷗舊可狎卉木足爲群方知小姑
射誰復語臨汾

奉和望海

虞茂

清蹕臨溟漲巨海望滔滔十洲雲霧遠三山波浪高長瀾
疑浴日連島類奔濤神遊藐姑射睿藻冠風騷徒然雖觀
海何以効涓毫

於北平作

唐太宗

翠野駐戎軒盧龍轉征旆遙山麗如綺長流縈似帶海氣
百重樓岩松千丈蓋茲焉可遊賞何必襄城外

春日望海

披襟眺滄海憑軾翫春芳積流橫地軸疏派引天潢仙氣
疑三嶺和風扇八荒拂潮雲布色穿浪日舒光照岸花分
彩迷雲鴈斷行懷卑運深廣持滿守靈長有形非易測無
源詎可量洪濤經變野翠島屢成桑之采思漢帝碣石想
秦皇霓裳非本意端拱且圖王

奉和春日望海

唐楊師道

春山臨渤海征旅輟晨裝迴瞰盧龍塞斜瞻肅慎鄉洪波
迴地軸孤嶼映雲光落日驚濤上浮天駭浪長仙臺隱螭
永平府志 卷之二十三 七
駕水府泛鼉梁碣石朝煙滅之采歸鴈翔北巡非漢后東
幸異秦皇舉旗羽林客拔距少年塲龍擊驅遼水鵬飛出
帶方將舉青丘檄安訪白霓裳

觀海

唐獨孤及

北登渤海島回首秦東門誰尸造物功鑿此天地源瀕洞
吞百谷周流無四垠朗然混茫際望見天地根白日自中
吐扶桑如可捫迢迢蓬萊峰想像金臺存秦帝曾經此登
臨異飛翻揚旌百神會望日羣仙奔徐福竟何成羨門徒
空言惟見石橋足千里潮水痕

送鄭少府入遼共賦俠客遠從戎

初唐

駱賓王

邊烽警榆塞俠客度桑乾柳葉開銀鏑桃花照玉鞍滿月
臨弓影連星入劍端不學燕丹客空歌易水寒

送著作佐郎崔融等從梁王東征

初唐

陳子昂

金天方肅殺白露始專征王師非樂戰之子慎佳兵海氣
侵南部邊風掃北平莫賣盧龍塞歸邀麟閣名

前題

初唐
杜審言

君王行出將書記遠從征祖帳連河關軍麾動洛城旌旗
朝朔氣笳吹夜邊聲坐覺烟塵掃秋風古北平

永平府志

卷之二十三

八

古游俠呈軍中諸將

盛唐
崔顥

少年負膽氣好勇復知機仗劍出門去孤城逢合圍殺人
遼水上走馬漁陽歸錯落金鎖甲蒙茸貂鼠衣還家行且
獵矢去速如飛地迴鷹犬疾草深狐兔肥腰間帶兩綬轉
盼生光輝顧謂今日戰何如隨建威

遼西作

燕郊芳歲晚殘雪凍邊城四月青草合遼陽春水生人
正牧馬漢將日徵兵露重寶刀濕沙虛金鼓鳴寒衣著已
盡春服與誰成寄語洛陽使爲傳邊塞情

燕歌行

盛唐 高適

開元三十六年客有從元戎出塞而還者作燕歌行以示適感征戍之事因而和焉

漢家烟塵在東北漢將辭家破殘賊男兒本自重橫行天子非常賜顏色摐金伐鼓下榆關旌旆逶迤碣石間校尉羽書飛瀚海單于獵火照狼山山川蕭條極邊土騎憑陵雜風雨戰士軍前半死生美人帳下猶歌舞大漠窮秋塞草腓孤城落日鬪兵稀身當恩遇常輕敵力盡關山未解圍鐵衣遠戍辛勤久玉筋應啼別離後少婦城南欲斷腸征人薊北空回首邊庭飄飄那可度絕域蒼茫無所有殺氣三時作陣雲寒聲一夜傳刁斗相看白刃血紛紛死節從來豈顧勳君不見沙場征戰苦至今猶憶李將軍

塞上

東出盧龍塞浩然客思孤亭埃列萬里漢兵猶避邊塵滿北溟騎正南驅轉鬪豈長策和親非遠圖惟昔李將軍按節臨此都總戎掃大漠一戰擒單于常懷感激心願效縱橫謨倚劔欲誰語關河空鬱紆

別馮判官

碣石遼西地漁陽薊北天關山唯一道雨雪盡三邊才子
方爲客將軍正渴賢遙知幕府下書記日翩翩

出自薊北門

唐李希仲

旄頭有精芒 騎獵秋草羽檄南度河邊庭用兵早漢家

愛征戰宿將今已老辛苦羽林兒從我榆關道

題虛池驛屏風

唐宜芬公主

女史公主本豆盧氏女有才色天寶四載奚霫無
主安祿山請立其質子而以公主配之上遣中使
護送至虛池驛公主悲憤作詩題屏風云云
至番其國立君矣質子見殺公主亦遇害

出嫁辭鄉國由來此別難聖恩愁遠道行路泣相看沙塞

永平府志

卷之二十三

十

容顏盡邊隅粉黛殘妾心何處斷他日望長安

郭造卿曰宜芬公主題虛池驛屏風女史與唐書不同
北狄列傳以宗室所出女慕容爲燕郡公主妻契丹鬱
于鬱于死弟土于嗣攜公主來奔豆盧雖出于慕容而
燕郡則非宜芬也奚王延龍降後拜饒樂都督懷信王
以宗室出女楊爲宜芬公主妻之延龍殺公主復叛是
宜芬非氏豆盧延龍殺公主以叛非質子見殺而害及
公主也蓋公主遇害可
傷而女史未詳其實矣

出自薊北門行

盛唐李白

陣橫北荒 星耀精芒羽書速驚電烽火晝連光虎竹

救邊急戎車森已行明主不安席按劍心飛揚推轂出猛

將連旗登戰場兵威衝絕幕殺氣凌穹蒼列兵赤山下開

營紫塞傍孟冬風沙緊旌旗颯彫傷畫角悲海月征衣卷
天霜揮刃斬樓蘭彎弓射賢王單于一平蕩種落自奔亡
收功報天子行歌歸咸陽

地志集略平州在赤山之東

後出塞 五首之一

盛唐 杜甫

獻凱日繼踵兩蕃靜無虞漁陽豪俠地擊鼓吹笙竽雲帆
轉遼海稂稻來東吳越羅與楚練照耀輿臺軀主將位益
崇氣驕凌上都邊人不敢議議者死路衢

贈裴將軍旻時守北平

唐 顏真卿

大君制六合猛將清九垓戰馬若龍虎騰陵何壯哉將軍

永平府志 卷之二十三

十一

臨八荒烜赫耀英材劍舞若游電隨風縈且迴登高望天
山白雲正崔嵬入陣破驕 威名雄震雷一射百馬倒再
射萬夫開匈奴不敢敵相呼歸去來功成報天子可以畫

麟臺

同孫構免官後登薊樓

盛唐 張謂

昔在五陵時年少心亦壯嘗驚有奇骨必是封侯相東走
到營州投身事邊將一朝去鄉國十載履亭障部曲皆武
夫功成不相讓猶喜 塵動更取林 帳去年大將軍忽
負樂生謗北別傷士卒南遷死炎瘴濩落悲無成行登薊

丘上長安三千里日夕西南望寒沙榆塞沒秋水遼河漲
策馬從此辭雲山保開放

邊庭怨

四首之二

盛唐 盧 弼

春衣昨夜到榆關故國烟花想已殘小婦不知歸未得朝
朝應上望夫山

盧龍塞外草初肥燕乳平燕曉不飛鄉國近來音信斷至
今猶自著寒衣

盧龍塞行送韋掌記

中唐 錢 起

雨雪紛紛黑山外行人共指盧龍塞萬里飛沙咽鼓鼙三
永平府志

卷之二十三

三

軍殺氣凝旌旆陳琳書記本翩翩料敵張兵奪酒泉聖主
好文兼好武封侯莫比漢皇年

送李中丞歸本道

中唐 皇甫曾

上將宜分闔雙旌復去秦關河三晉路賓從五原人碣石
山通海滌池雪度春酬恩看玉劍何處有烟塵

塞下曲

中唐 戎 昱

北風凋白草 馬日駸駸夜後戍樓月秋來邊將心鐵衣
霜雪重戰馬歲年深自有盧龍塞烟塵飛至今

傷溫德彝

晚唐 溫庭筠

昔年戎 犯榆關一破龍城匹馬還侯印不聞封李廣他
人丘壠似天山

首陽山

唐 胡曾

孤竹夷齊恥戰爭望塵遮道請休兵首陽山倒為平地應
始無人說姓名

送友人出塞

薛能

榆關不可到何况出榆關春草臨歧斷邊樓帶日閑人歸
穹帳外馬發廢營間此地秋堪想霜前作意還

題夷齊廟

宋 司馬光

永平府志

卷之二十三

三

夷齊雙骨已成塵獨有清名日日新餓死溝中人不識可
憐今古幾多人

詠史懷夷齊

宋 王十朋

避紂窮途北海濱歸來端為有仁人武王不聽車前諫餓
死西山志亦伸

題道者山

元 宋 綱

茲山介平營時與太古存礪石拱其側水巖何足論東北
醫無閭羅列為弟昆

灤河吟

元 宋 本

灤河上游隘涓涓僅如帶偏嶺下橫渡復遶行都外頗聞
會衆濼旣遠勢滂沛雖爲禹貢遺獨與東海會乃知能自
致天壤無廣大

首陽望雪

元 陳 賡

天風吹瓊瑤白冒首陽頂欲知採薇歌千山凍雲冷

前題

元 段成已

薇歌一曲對青山萬古千秋老翠巒望斷空崑人不見光
搖銀海玉峯寒

采薇圖

元 盧 摯

永平府志

卷之二十三

古

服藥求長生孰與采薇子一食西山薇萬古猶不死

喜逢口

許有壬

俗爲父求子而逢之于此猶望夫之有石也雖莫
究其年代名氏而其言有足感人者故作是以記
之

兒寒解衣重撫摩兒飲與食孰忍訶長成與國遠負戈一
去不返當如何去時云戍東北鄙直出榆關度遼水白頭
郎罷與影俱豈憚山川千萬里天教此地適相逢父曰從
天墜吾子笑疲樂極俱殞身誰謂情鍾遽如此官家開邊

方未已同生又別寧同死山雲漠漠風颼颼山頭雙塚知
幾秋當時不忍一朝別今日翻爲千古愁猶勝貞女化爲
石終古孤身雙不得清江寒影日悠悠行人一去無消息
碣石篇
明按察副使李攀龍濟南人

千里懸流冒顛天漢外紀地軸高標轂轉白日與齊俱入
與泊俱出
涼秋九月塞外草衰白日蕭條北風苦悲邊聲四起胡馬
成羣爍火如星列障如雲錢鏐旣置修我戈矛裹糧塗甲
永平府志
卷之二十三
五
惟敵是求

委蛇者河千里一曲方之舟之匪芻伊粟太行詰屈西北
是經車轍馬迹日不遑寧於鑠聖人依其在京差次吏功
郡國以成

羽翼未就鴻鵠徘徊神龍失水螻蟻所裁珠不暗投劍不
倒持能弗用利勿處于疑高才者妬匪但其人逃名避世
以保其身

永平道中

刑部尚書王世貞
蘇州人

盧龍左馮翊白馬舊安西浴日滄溟小摧天碣石低虎沉

飛將羽龍出慕容題驅傳令支塞問津卑耳溪荒祠孤竹
並讓國大名齊引首哀兵鏃沾膺愧馬蹄榆關秋一帶愼
莫動征輦

盧龍暑中偶成

朱簾翠箔過楊花睡起中庭日未斜却似深閨嬌小婦樓
頭癡坐怨天涯

盧龍署中有寄

山城小雨鷓鴣啼楊柳辭寒綠正齊我夢春閨獨不見怕
乘雲雨過遼西

永平府志

卷之二十三

六

塞上曲送王元美

李攀龍

燕山寒影落高秋北折榆關大海流馬上白雲隨漢使不
知何處不堪愁

盧龍道中

進士 谷繼宗

白雪盧龍道青毡使客車日瞻滄海近雲帶碧山斜烽火
宵傳警材官曉建牙降王能歛塞歸及報重華

孤竹懷古

戶部尚書 王好問 樂亭人
太子少保

鎬京商邑總蒿萊千載何人弔墨胎啼鳥似傷人世改野
花還向故園開荒城隱隱水聲去古殿歸歸山勢來一望

凄然成曠感塵車欲發更徘徊

讀伯夷傳

綱常萬古同天久功利須臾過眼無請看渭水鷹揚者不薄西山二餓夫

謁夷齊廟

御史 韓應庚 盧龍人

清聖非苦節迺見綱常先君父固攸重子臣情堪憐此情不有已奚恤後譽延邈矣採薇事市朝已數遷誰招餓夫魂廟食首陽巔寒松覆碧瓦古殿生黃烟遺像儼生存咫尺手足連拱拜瞻容色恭遜藹周旋盤無周室粟隴有洞永平府志 卷之二十三 七

前題

經略兵部 尚書 高 第 灤人

樹壓荒城古廟幽千年遺像意悠悠採薇高節首陽在孤竹清風濡水流香火山翁頽伏臘滄桑世代幾商周我來瞻拜增傷感不為登臨覽勝遊

清節祠

禮部 尚書 徐 瓊

國統人推中子承首陽甘餓有餘清兩迓兄弟彝倫重一諫君臣大義明殷地既非薇自老周邦雖有粟無生故墟

古廟昭旌額篡逆相過愧豈勝

九日登清風臺

韓應庚

臺枕灤濤秋氣清冥冥征鴈暮雲橫
龍沙斷岸疑無路鳥道通天忽有城
廟饗歷朝伏臘火神留千古子臣情
首陽多少登臨者誰步西山第二程

虎頭石

郡守

陳所立

長樂人

寢石於菟未易尋彎弧寧致鏃痕深
將軍不必皆猿臂要使人持射虎心

偏涼汀

御史

湯 鵬

永平府志

卷之二十三

六

亭上晴嵐翠欲流亭前流水鏡光浮
四簷巒嶂圍屏小兩岸山家樹木稠
乘輿偶來紆遠望探竒獨上最高樓
醉中更愛溪魚美合作東巡第一州

前題

郡守

吳 傑

江都人

偏涼亭何竒紛紛聚野馬冰壺一片清
六月不知夏天地若許人勞逸不相假
何如均此涼徧及揮汗者

前題

都御

高 擢

灤人

鑿石通周道臨流構短楹層雲霾嶺翠
落日映沙明野寺山腰迥長江檻外橫
凭闌遙對月萬古有餘清

其二

危閣迴風入崇臺
返照懸江魚隨意
逝林鳥倦知還
垂釣滄浪水行吟
薜荔篇避喧惟藉
此堅卧可長年

前題

高第

佳麗偏涼景山環
水曲流乾坤開勝
地今古侈竒遊人
倚空中閣漁觀岸
下舟沿溪通棹處
別有洞天幽

夕陽泛舟

扁舟乘夕照萬頃
欲凌之水映天如
動波迴岸自移探
竒常載酒躡險更
題詩逸興歸猶劇
江空覺月隨

永平府志

卷之二十三

十九

東水岩寺

吏部尚書王翺灤人
加子太傅

未到仙人頂先登
遊者山與隨流水
遠意共野雲閑鶴
唳空冥外鐘聲疊
嶂間追遊賴朋友
杯酒話禪關

昌黎石門

工部左侍郎杜謙昌黎人

鰲駕山來碣石間
兩厓雄峙作重關
地橋水自龍津出
仙館人從鳥道還

圍春莊雜感

僉憲蕭顯山海人

三十年來走宦途
乞歸白髮半頭顛
依山結屋塵偏淨
臨水觀魚與不孤
野老躡蹻尋橡實
林僧談咲斷松腴
離家

復作還家夢一夜團樂骨肉俱

其二

買斷山莊景最奇也堪臨水靜垂絲畏途自慶歸來早安
枕何妨睡起遲適與聊沾陶令酒感懷頻咏杜陵詩挿頭
柱杖堂前坐繞膝兒孫嬉戲時

雙鴈

成化十二年
事今名地

文學

倫 浹

灤人

飛鴻有匹偶飲啄灤水阿但知謀稻粱不解離網羅弋人
獲其雄繫之以為囚哀彼雌也孤悲鳴意無他終日自迴
翔一夕忽來過相呼不肯釋糾頸死沙沱吁嗟彼羽毛處

永平府志

卷之二十三

三

世曷么麼矯矯著奇節英英挽頽波矧伊毓靈秀貞烈更
如何鶉奔恥無良狐綏志已訛爭如糾首禽一死良足多
維世賴綱常聊賦哀鴻歌鴻名歷千秋大義永不磨

一片石次孫洙濱韻

兵部
尚書 翟

鵬 撫寧人

開國資元老中山獨壯猷奇勛歸太史遺像肅荒陬宿露
逃寒戍陰風起暮愁不堪惆悵處悲角咽樓頭

望聯峯山

不踏聯峯麓匆匆二十年山靈猶識否蘭若自依然勿假
移文却終當辟穀還多情林外鶴來往故翩翩

鎮東樓

兵部尚書 綱 睢州人

十二危樓百尺長倚天傑構鎮邊疆海山南北環千里城郭高低匝四旁入座雲籠村樹渺隔簾風遞野花香太平時節登臨好暴客重門不用防

前題

兵部主事 黃景夔 鄆都人

城角聲催獨倚闌海門斜月轉雲端清輝近水應先得永夜中天正好看風露欲流平野濶星河不動夕烽寒早朝待踏長安路清影疎槐帶馬鞍

前題

兵部主事 陳 綰 上虞人

永平府志

卷之二十三

三

樓閣晴陰向晚開海天秋思獨徘徊寒生絕塞砧聲急木落荒郊鴈影來關樹不迷南國望羽書頻見朔風催感時忽訝潘郎鬢作賦還憐王粲才

前題

巡撫 王一鶚

百二金城保障哉翩翩萬雉拂天來樓懸日月扶桑近帳擁春風細柳開三輔雄圖環睥睨五雲佳氣接蓬萊漢家新畫麒麟閣燕市誰登駿馬臺

前題

總理 戚繼光 登州人

樓前風物接遼西日暮平關望欲迷禹貢萬年歸紫極秦

城千里靜雕題蓬瀛只在滄波外宮殿遙瞻北斗齊爲問
青牛能復度願從仙吏換刀圭

烽火寺

徐汝勳

尋芳直上翠微間梵宇瀟瀟出半山詩罷酒闌遊客去白

雲依舊伴僧閒

陪唐荆川職方王岸泉監察過關

編修

黃洪憲

浙江人

長城古堞瞰蒼瀛百二山河擁上京銀海仙槎來漢使玉
關衰草戍秦兵星臨尾部雙龍合月照平沙萬馬鳴聞道
遼陽飛羽急書生直欲請長纓

永平府志

卷之二十三

三

秋日建昌有警

徐學古

秋氣何蕭索千山落木空黃霾吹野戍赤羽急山戎碣石
雕戈擁榆關鐵騎雄將軍頻投鉞一戰報重瞳

和前韻

戚繼光

飛羽遼河上移軍灤水東前驅皆大將列陳盡元戎夜出
榆關外朝看朔漠空但期常獻馘不敢望彤弓

大將砲名元戎車名

題臺頭營演武臺松樹

巡關御史

傅光宅

細柳環金甲孤高見此松名應留漢將爵不受秦封雲影
來歸鶴風濤起卧龍清霜十月盡蒼翠照千峯

遊俠兒呈同鄉陳叅將郭都閫

營將 陳 第

江北多俠兒江南兒更俠朝向長安道暮出陰山獵弦動
雕鷹愁旌飛 怯十載守雄關威名何震懾不數古人
勛猛樹中興業石畫已垂成謗書忽盈篋去日逢春華歸
來落秋葉涕泣謝知交笑譚散僕妾馬首囊雕弓腰間仗
長鈇仰天嘆旄頭壯志猶未厭矯矯雙龍起定奏燕然捷

贈郭建初

薊州兵備 于達真

塞客衣單露始零風高木落水天清鳥啼橫海將軍幕人
識江湖處士星薊史一編存往蹟燕然萬里勒新銘莫愁
永平府志

卷之二十三

三

旅病無供給波滿寒塘月滿庭

宿喜峯口城樓

王 寅

萬里秋風暮華 到此分幾年望紫塞今日宿黃雲片月
臨關見孤軍擊柝聞燕歌爭勸酒強飲不成醺

喜峯口觀三衛貢馬

嘉靖己丑會元 唐順之 武進人

貢道走東 關門控北都每逢金鏡節來獻玉驄駒酋長
花當後山川松漠紆天衣沾蚪鱗國馬出駒駘乞賞孫隨
祖專兵婦代夫珥璫珠錯落襁褓錦毼餽槃舞呈鞞革侏
言譯象胥白狼回左衽黑水作通衢

宿黃厓營

棲棲終日旅邊城
夜向黃厓問古營
幾家戍鼓漁陽慘
聯騎鏡歌薊北行
峽束雨湫高怒水
山凹樹竅激秋聲
躍馬壯年微志在不緣
此地客心驚

曉發喜峰

客心流水與爭馳
寒壘疎星度峽時
未返王孫猶草色
初來戍卒是瓜期
去鄉祇覺蟬聲似
出塞方知馬脊危
辛苦下情何計達
早年曾誦采薇詩

三屯鎮城成志喜

戚繼光

永平府志

卷之二十三

三

三春氣色壯三屯
燈火烟連十萬村
版鋪層臺秦作塞
風雲大陸薊爲門
東來直接山河固
西望遙依帝闕尊
百二城邊還質子
千秋同戴漢家恩

三屯呈戚光保

別駕陶允宜

薊門往事震京華
十六年來靜不譁
路出萬山通鳥道
城懸千嶂壓龍沙
空中雲影連樓閣
夜半鐘聲動鼓笳
老將莫憐心力破
金湯終古在皇家

其二

書生躍馬未爲狂
孤劍床頭夜有光
自喜軍容同細柳
莫

辭神臂異穿楊吐吞忽落黃河水叱咤橫飛紫塞霜今古
勲名誰得似天南天北兩相望

景忠山有東嶽行宮及諸葛廟今益以岳文二公

帝城東去萬山奔忽踞中峯北極尊明斗在天珠可摘閒
雲出岫掌堪捫雙松可是分秦樹五丈無勞駐漢原仰止
高山情不淺三忠廟貌對三屯

撫寧道中榆關驛有感

學士董越

晚別撫寧郭天低海氣連蒼茫初出日慘淡未收烟茅屋
多依樹村氓半在田榆關前驛近伐鼓正淵淵

永平府志

卷之二十三

三

謁武寧王廟

都御史顧佐

雲龍風虎際昌辰鐵馬金戈靖塵百雉層關金尚固千
秋報祀永難淪乾坤疆宇恢前代帶礪山河啓後人廟貌
仰瞻生氣凜朔方長賴庇吾民

山海關

尙書馬文升

曾聞山海古榆關今日經行眼界寬萬傾洪濤觀不盡千
尋絕壁畫應難東封遼地三韓險西固燕京百世安來歲
新正還旆日擬圖形勝獻金鑾

前題

巡撫閔珪

幽薊東來第一關襟澄滄海枕青山長城遠岫分高下明月寒潮共往還貢入梯航通異域天開圖畫落塵寰老臣巡歷瞻形勝追想高皇創業艱

前題

黃洪憲

關城風急颺征袍潮落天門萬籟號槎泛銀河浮蜃氣山銜紫塞捲秋濤月明午夜鮫珠泣沙白晴空鴈影高司馬風流偏愛客桃花羌笛醉蒲萄

山海關晚眺

茫茫沙磧古幽州日落烏啼滿戍樓萬雉倒垂青海日雙永平府志

卷之二十三

三

龍高映白榆秋虎符千里無傳箭魚鑰重關有扞擻自古外寧多內治衣袂應軫廟堂憂

山海關魁星樓成勉諸生

兵部主事李本緯 曲沃人

魁纏豈亦好樓居壯爾仙才射斗墟檻落彩雲飛翰墨窓含奎宿映圖書篝燈夜夜燒藜杖荷橐人人佩玉魚咫尺星門森武庫也知文戰預犀渠

觀海亭

蔡可賢

城頭望海海潮生白浪乘風撼塞城漢使不來槎自轉秦皇已去石還驚桑田反覆千年事雲水蒼茫萬里情此日

流觴須盡興當時採藥竟何成

前題

戚繼光

曾經澤國鯨鯢息更倚邊城氛祲消春入漢關三月雨風
吹秦島五更潮但從使者傳封事莫向將軍問賜貂故里
蒼茫看不極松楸何處夢魂遙

前題

兵部主事張時顯
南城人

滄溟極目水連雲翠色遙看已半分潮擁百城浮蜃氣劍
橫絕塞閃龍文晚風落日何王島夜月飛濤此女墳萬里
靈槎無計借乘閒且自狎鷗群

永平府志

卷之二十三

七

角山寺

黃景夔

愛爾樓霞勝乘秋來寺中山高天氣蕭蕭瑟多婁風崖枯
驚落葉露重濕草叢感此四時序代謝何匆匆君看盈虛
理退者在成功智哉張留侯千載名無窮樓霞復樓霞無
以官為家

前題

兵部主事馬駁
上蔡人

夙抱烟霞癖無緣脫鞅掌百慮蕩內機成事勞外像忽忽
青陽暮遙憶山林賞薄言尋蹊壑所希絕塵網佳氣紛鬱
葱寶地開虛做泉聲清且幽物色何駘蕩莓苔染堦碧松

露滴石響舉觴臨東風悠然任來往長歌故徘徊古洞恣
偃仰歸來憇空堂芳樹日初上

其二

人生常懷憂流光祇虛過逍遙對珠林忘形依石坐鳥馱
煙霞還猿穿藤蘿破雨霽覺景幽衣冷耽雲卧不求東海
仙願訪西山餓

其三

元雲邈且復飄渺紺園颺登臨一以眺上有白玉堂堂中
何所有一人披霓裳借問何所爲誦經食霞漿夙懷慕真

永平府志

卷之二十三

天

隱悠悠踰十霜相逢與不淺談空殊未央山煙橫野碧洞
林帶晨光泉水照禪心松日窺石床幸茲寡塵慮詎復論
圭璋

前題

陳 綰

每日城中見角山入山初覺遠人寰
雲細裊龍宮靜石
薛斜侵鳥道斑
殿閣影從滄海落梵鐘聲度碧空還
關門
吏隱無多事猶羨僧齋盡日閒

秦皇島

兵部
主事 楊

琚
泰和人

嶺旄神山峙海邊始皇會此駐求仙羽翰颺駕今何在方

丈瀛洲亦杳然古殿遠連雲縹緲荒臺俯瞰水潺湲紅塵
不動滄溟闊芳草碧桃年復年

前題

陳 綰

聞說秦皇海上遊至今絕島有名留不知遼海城邊路多
少秦人骨未收

姜女墳

妾身本在深閨裏十五嫁夫作胥靡赭衣就役築長城聞
道遼東今已死妾身本爲從夫來夫死妾身朝露耳間關
嘔血竟何歸萬里將身葬水涘孱軀雖死心未灰化作望
永平府志

卷之二十三

五

夫石疊疊江枯海竭眼猶青望入九原何日起

顯功廟

太傅提兵出塞還更因榆塞起榆關石驅到海南成堞壘
築連雲北倚山遼水至今來鞞鞞薊門終古鎮賓顏歲時
伏臘猶祠廟麟閣勲名孰與班

榆關

漢塞秦關控海隅長城千里爲防 月明滿地無傳箭靜
聽軍中夜博盧

其二

榆關東去是營州門外車輪似水流夜半邊城吹感粟何
人不起望鄉愁

山海關贈張職方

秦夔

高城設險壯金湯作鎮平臨大海旁
筐篚每來重譯貢關門常峻外
防草肥深谷熊生白渡暖春洲
蠅吐黃天遣仙郎此持節年來文化及殊方

其二

燕雲百二擁皇都萬里邊城入壯圖
到海有山皆設險入關無吏不持符
詩書已足懷殊俗籌策還看翼廟謨
聞說永平府志

卷之二十三

三

秋高戎馬健也須辛苦事防

出塞

兵部侍郎梅國禎

曉風匹馬渡灤河極目天感慨多近塞
營還歷亂彌山雉堞自差峩林間殘雪
經春凍峽口孤雲帶雨過不少
謀臣憂社稷只應甞許鄧支和

出關

崔廷槐

關吏開金鎖郵人控玉珂
三韓遠社稷五鎮漢山河
白草荒原合黃雲古戍多
從今滄海上萬里不揚波

出榆關逢徵兵使人作

馮惟訥

聞道雲中將先秋戒鐵衣虎符千里至龍騎五營歸夜月
明雕戟山風曳画旂誰憐瀚海外雜 駐金微

曉發遷安

巡關御史施儒

水落寒灘靜烟消曉嶂新荒城孤竹國匹馬遠行人冠蓋
捫心愧閭閻到骨貧採薇祠室在猶得薦溪蘋

天馬山

傅光宅

倚劍登天馬冷然御遠風乾坤雙眼外今古一杯中怪石
懸疑墮晴濤望若空烽烟清萬里白日海雲紅

弔趙烈女

永平府志

卷之二十三

三

一塚青山下經過感慨深家貧依草莽塞遠對荒林正氣
來天地芳名自古今崔魏一片石千載見貞心

海

尙綱

當年來向海邊頭蓬島仙山何處求潮汐奔騰坤軸走波
濤洶湧雪花浮憑欄對酒看無厭倚馬題詩興未休沉醉
漫思張博望乘槎共到月中遊

遼西歌

茅濠

裨將分屯三十營營火礮震天鳴縱教 馬如征鴈不
敢銜蘆過北平

橫山寺

灤州守 薛穰 鄆縣人

數椽僧舍俯青溪
細草春香路欲迷
野水亂流灘上下
巖山斜矗樹高低
天生石井泉通海
地接灤江柳暗堤
撫景暢然心賞逸
半林花雨鷓鴣啼

灤河

運同 蕭雲漢 樂亭人

灤水蜿蜒來長泓
日射潞朔地瀉靈源
孤竹聲咽吭偏汀
啣磷磷巖山勢蕩蕩
落花桃浪翻過鴈
秋蘆盪下有蛟螭
潛上有雲霧混舟子
三時篙征人歲來往
有客乘輿遊鐵笛
中流響從此入十州
羨門可相訪醉來夜
忘歸船頭一

永平府志

卷之二十三

三

偃仰清風當我懷
明月波心漾歸與亭
閣間心神猶覺爽

冷口溫泉

按察副使 李安仁 遷安人

白雲堆裡碧泉開
一脉融融遶戰臺
不是榆關寒氣重
那知春意此中迴

佛洞山

長山令 馮斗華 灤人

崆嶺山秀聳登眺若
穿空入洞幽難測
攀厓路可通晚江
常載月小艇任搖風
與劇歸來晚漁燈數
點紅

長春宮

貢士 高吉昌 灤人

故宮鴟瓦紀遺樓
堊淀斜陽水尚流
八部國殘誰有恨
十

香人艷自生愁珮環似聽松風在奩鏡虛疑檻月留莫嘆
回心空著院玉環飛燕總荒丘

海陵曾三
幸春水

祥雲島

苑馬
寺卿曹司牧

樂亭
人

海氣涵天湧曉光日華分彩露蒼茫東牟應有蜃樓在何
似雲車駕水傍

半月坨

水中見月月月初弦天水相涵月與連夜半不知明月上半
呈坨影半還天

闍黎洞

大理寺
左少卿劉廷宣

山海
人

永平府志

卷之二十三

三

愛僻尋閒得不閒更空雲窟學猿攀談傾白馬公孫社氣
散青牛尹子關老樹篔簹雜霰雨石泉環珮澹潺湲酒闌
客倦魚歌歇醉倚欽岑未忍還

雲峯寺

梵聲響落最高峯一駕茅龍萬壑鐘春色奚囊收不盡劍
花昨夜吐芙蓉

釣臺

韓應庚

石壁青含雨松臺迥若懸碧潭魚上下斜洞鳥飛還波漾
桐江月雲連渭水天倚樓頻騁望長嘯欲攜僊

其二

結樹青山裏，栖遲得自由。困來眠小榻，興到駕輕舟。事業慚鳴鳳，生涯嘆拙鳩。塵纓何處濯，臺下有清流。

其三

不緣投白簡，那得遂初衣。無復鳴騶入，惟餘攜鶴歸。攝生求藥餌，托興問漁磯。避遠紅塵路，棲廬向翠微。

臺上吟

華陽陶隱君，仍號山中宰。我已出世緣，詢謀豈堪採。

其二

永平府志

卷之二十三

三

孤竹城邊水，陽山頂上薇。併作漁臺供水香，薇亦肥。

其三

卸却惠文冠，裁成薜荔服。閒來理釣絲，時復尋樵牧。

其四

辭別京華路，歸來三十霜。山居耽習靜，身世兩相忘。

釣臺月白樓

華陰令 韓應奎 盧龍人

載酒過灤江，登歌興欲狂。臺朝天北極，人在水中央。月白蘆煙淡，樓高海氣涼。一竿垂釣罷，清夢到羲皇。

秋日登釣臺暮宿沙渚

刑部尚書 白瑜 盧龍人

仙槎遙望斗牛邊
嫋嫋商風荇帶牽
水浴磯頭時隱見
雲橫雁字任蹁躚
數敲碁韻雜歌扇
幾點漁燈起暮烟
榻下主人能款客
疎星猶挂子陵川

九日遊釣臺

典籍管 珍 長洲人

露橈舫湧客星來
朱鷺飛飛點碧苔
萬壑爭鳴孤竹水
夾谿環抱富春臺
問天漁父何年釣
到日花源幾樹開
重九風光容易得
白雲黃葉正相催

都山雪霽

朱吉

同雲凍合天一色
鳥不高飛苔石裂
朔風捲海聲如雷
一永平府志

卷之二十三

三

夜都山滿頭雪
千巖萬壑光玲瓏
瓊臺瑤室開仙宮
是中可望不可到
安得一訪浮丘翁

紫荆山石婆

撫寧教諭 謝鵬南 順天人

面對荆山列翠屏
石巖巧立似嫗形
娥眉不掃一灣月
蓬髮猶堆兩鬢星
脂粉年深風雨淡
衣衫歲久蘚苔青
凝然翹首頻西望
隻影寥寥伴野汀

碣石

陳所立

砥柱東溟碣石開
黃河萬里直西來
天鷄解喚扶桑日起
舞何人是異才

都山望雪

祈連絕處總燕支到此回看北斗低六月山頭猶戴雪罡
風吹落薊門西

釣臺

一著羊裘動客星非熊感遇亦無情臨流莫學任公子月
白江空負釣名

界嶺

兵備
參議劉景耀登封人

界嶺連雲際陽河入海流山川地近風雨漢宮秋處處
嚴烽火朝朝逐馬牛誰憐漢飛將白首不封侯

永平府志

卷之二十三

三

秦總鎮邀飲界嶺正關樓得才字

城頭碣石鬱崔嵬倚檻春風塞外來三輔河山時對酒九
邊烽火共登臺秦皇島上仙雲散姜女祠邊新月回莫道
書生無俠骨毛錐元負佩刀才

桃林

野水年年去不還荒林面面出高山小舟晚泊鴛鴦渚畫
角秋生虎豹關出塞將軍誰俠骨中原赤子正愁顏悲笳
遙對啼猿急暮日爭如歸鳥閑

望仙人頂

遙望仙人頂佳氣滿蓬萊丹爐灰未滅白鶴安在哉秦皇
與漢武輦路生青苔

仙人臺

猿嘯峯高一徑通鶴鳴丹竈火初紅扶桑早掛三竿日碣
石常來萬里風採藥何年離海上吹簫昨夜坐雲中勒銘
應抵黃龍府徐問仙人白兔翁

漆凼

漢水悠悠塞外來藍田佳氣接河魁虎頭近見雙龍合羅
洞還驚匹練開鼓柝能無浮海意洗兵合待濟川才勒盟
永平府志

卷之二十三

三

不假黃河水自有清流遶郭回

偏涼汀

挿天危閣倚晴嵐橫海長川滌碧潭鳥道斜穿雲外樹龍
宮幽綴雨中曇坐來山水都成僻占盡煙霞不是貪欲把
漁翁移酷暑可人風景一江南

客盧龍代諸將寄京洛相知

進士

阮自華

桐城人

朔氣厲高秋將軍洗髑髏勞雲出家暗疲馬傍人愁風色
侵重鎧霜威折大矛貴人能作賦何不自封侯

過汀流河

訓導

方

經

黃陂人

灤水朝宗一派流寒烟蕭索古津頭鷄鳴遠浦家家月漁
老空磯處處鷗將伴沙邊人待渡忽呼江上客同舟西風
回首中流楫桐葉蘆花兩岸秋

碣石

兵備
僉事韓原善
盧龍人

鑿石憑誰問巨靈摩空古壁摘寒星巖深仙客時留馭樹
老僧人不記齡松覆鶴巢山點翠瀑翻龍洞澗流腥紅塵
永謝清涼境招得閒雲鎖薜扃

遊昌黎翠屏山亭

領略烟霞太古人呼名山鳥解留賓蓮塘引水通雲竇書
永平府志
卷之二十三
三
屋編茅與石隣君子風流渾是晉大夫封事尙仍秦坐來
下瞰諸峰盡海氣嵐光共咲顰

澄海樓爲王海若司馬賦

蓬萊咫尺望中移員嶠風來吹鬢絲煙淨玉門間虎豹浪
翻銀屋隱蛟螭瓊沙雪霽冰初泮繡陌春回柳未窺不信
邊頭多氣色雄關新簡丈人師

其二

習習天風動客衣登樓把酒送斜暉眸隨雪浪翻青海夢
逐春風入紫微十載浮沉肝膽是半生潦倒鬢毛非樽前

幸預鱸魚會不到秋風已賦歸

釣臺

窺山一竇引樵青石徑漁磯傍水亭風磴松敲蒼玉珮雲
巢天繪鬱金屏丈人舸艇迷前渚孺子滄浪過別汀釣罷
月明江欲曉綸竿收盡滿天星

北平春郊

應庚長子文學 韓原濬

探竒勞杖履一上翠微亭晴檻雲生白虛樓夢入青柳深
憐綽約華落惜飄零莫厭連朝醉春風不可停

銀杏樹

應庚次子文學 韓原洞

永平府志

卷之二十三

三

郡城西郭家莊有古樹二株
大可數圍相傳東漢時物

老幹扶疎竟插霄萬山俯視自逍遙月來影欲移千畝風
過聲如奏九韶衆口漫傳東漢蹟雙貞齊捧大明朝精靈
俱可留今古莫用攀枝嘆寂寥

夷齊里

調選入都兵後無歸
縛茹居此授經自給 張星炳 江西明經

搖落江湖此結廬何期得傍古人居粟知難與西周比薇
幸猶餐北海餘荷戴一方新製笠携持幾卷舊殘書兒今
授室余將老歸思多年已漸除

登釣臺弔韓開之烈士

范縣令 高輔辰 灤人

立馬松原下遙江過鷺輕暗歎連雨黛高嶂罨人聲威斗
麟棲冷頷珠驪卧腥水仙空谷意徒有碎琴情

永平道中

撫寧宰孫廷銓益都人

烟開林下路帘出水邊家山市秋多棗荒谿雨落瓜近邊
無廣岫列戍尙高牙樹盡看城闕危旌有暮鴉

山海道中

高柳荒亭下殘碑古戍前秋光晴到水山色淨於天氣變
蟲音急水沉月影偏鷄鳴催候吏爭渡古溪船

衙齋望兔峰

永平府志

卷之二十三

旱

高館揚清徽澄陰淡將夕好峰林外明蕭蕭蔭牀席日入
引村煙縱橫交阡陌倏忽半巖際風雨送行役松雜名藥
香鶴遺幽人跡霽景疏夜明况復沉秋碧菊憶淵明籬書
成楊子宅誰當堪共語一片寒山石

前題

人靜懷幽眺芒鞋又漫來山禽鳴獨樹石壁漬荒苔水拘
波光亂天低鴈影回春風吹白髮有酒且銜盃

釣臺

原善子庚午避地會稽辭韓廣業文學
徵不出自號鶴寤道人

柔煙染黛列春屏光隱玻璃夜不扁雲綴天空狎亂碧峰

涵江靜印雙青晴沙向煖鷗分席曉月餘寒鴈過汀百尺
漁磯清夢好欣逢杖履近元亭

其二

危石留雲徑未封竒看萬仞玉芙蓉天開鼠戶延驚雀舟
小鯨田躡睡龍卜築百年初見月衣冠隔座近聞松桃源
極目人烟裏槐柳春遲葉幾濃

其三

釣罷綸竿石氣舒巨靈爲鑿水雲居馴僧已老還馴鴿種
樹多方更種魚古雪喜會呼白也新碑惜未見黃初天涯
永平府志

卷之二十三

望

其四

山雲無計挽征車寄卧漁洲志在魚不信梅花開絕塞却
愁風雨有來書中原榛棘雙眸盡兩地松楸十載餘孺子
滄浪歌有意月明歸棹理徐徐

夷齊廟

朝鮮使臣柳夢寅

首陽蒼翠鬱嵯峨灤水悠悠也自波士俗尙聞孤竹廟那
人能唱採薇歌一時賢士知俱出萬古高名問孰多此地
清風吹不盡荒臺只是舊山河

萬柳莊

巾我河車指玉京諸天無際是三清朝來失路青霞迥物
外沾衣白露生怪石當溪蹲老虎晴鐘殷郭吼長鯨茅龍
展尾紆清澗遼鶴舒翎抗畫薨翳羽涼陰藏小店拂天高
柳滿平坳臨風嫋嫋齊垂線匝地森森亂擢莖徑摻白氈
飄落絮門張翠幄擲流鶯清尊繫馬尋芳與玉手攀條惜
別情嫩葉正濃紅女織新枝初暢葆蕤傾獨霜啄木秋聲
急殘綠寒蛸夕吹輕萬里三遊人不識天高地迥我何征
神仙縹緲吾身是山海微茫上界行繡闥朱門清晝掩寒
永平府志

卷之二十三

三

林衰草暮鴉鳴風烟淡淡愁山色歌笑悠悠送水聲鶴背
明朝叅北極鰲頭歸路踏東瀛烟波夢斷盧龍塞鄉客應
尋舊姓名

謁夷齊廟

國朝郡司理

尤

侗

長洲人

孤城鬱岌堯臨河激寒響清風繚繞之白雲翔其上中有
古賢人端然肅遺像社稷已丘墟精神自天壤金石永令
名俎豆芬將享勁飈迴頽波頑薄興慨慷我來北海濱欣
對西山爽駐馬俯平疇陟階掃荆莽百年喬木堅三春芳
草長高臺聞鳥啼遠水明漁網撫景迥幽瑟披襟頓超朗

薄宦亦苦饑懷古用自廣行行訝採薇寤寐佇遐想

前題

舉人 東蔭商 華陰人

秣馬西周客維舟北海濱關河猶此地今古有斯人松老荒祠月山閒故國春自憐藜藿士終愧採薇民

前題

左都御史 劉鴻儒 遷安人

碧殿風生白日寒愁雲漠漠遶山巒幾言曲盡當年事一餓常留萬古丹天地為心懸皓月乾坤不老砥狂瀾偶來仰止勤瞻禮慘澹癯容淚尚癡

前題

郡丞 祖澤溶 寧遠人

永平府志

卷之二十三

三

空山臺殿鬱森森叩馬猶傳此日心薇蕨豈知新伏臘滄桑不易舊冠簪清風獨立垂天壤至德堪師自古今吁咈弟兄遺跡在商周社稷久銷沉

前題

貢士 宋元伯 萊陽人

孤城烟雨中長河遶百折驅馬越陌阡巍巍廟貌設陰森鬱喬松斑駁歌石碣二子餓首陽孤竹尊高節嗟彼黃與農灤水常澄澈波光澹不流山色遠還滅陰晴崇朝移烟靄衆鳥悅夕陽滿中流發棹聞幽咽簫鼓夜未央歸舟月如雪

前題

盧龍 李士模 高密人

讓國雖絕德能受乃獨良所以歌農夏中不及黃唐軒固
推炎燼堯亦克讓王重器難久虛異代維其常孟津即無
渡商辛詎不亡紂惟弗克靖大介乃張皇先生為殷惜實
切為武傷一死存千古豈曰謂存商

其二

許由三皇資遇帝則洗耳夷齊帝者師遇王輕一死器識
故有恒各視其相取使其在勲華定當不爾爾虞夏何風
規孤亭俯寒水

永平府志

卷之二十三

器

前題

遷安 張一諤 山陰人

高臺遙峙彩雲邊碧水蒼松曙色連一餓首陽清節在空
山寂寂鳥啼烟

再遊清聖祠感賦

貢士 高士麟 灤人

白魚舟渡孟津寒八百三千愧二難肯學渭濱忘北海生
憎殷斂著南冠但存孤竹誰非嗣除却雷陽豈有辯何事
宗臣悲麥黍強吞囚泣自含酸

清風臺

舉人 白培極 灤人

阡原禾黍自猶猶何處風來六月秋脫屣頓思王子去於

人俱羨謝公遊樽前鷺鶴鋪平澤潭底魚龍浮晚湫我與
月明潛有約離騷清酒一漁舟

碣石

文學 譚允謙 丹徒人

萬里行邊且未回高登碣石望燕臺但看滄海新塵起不
見黃河故道來明德永懷神禹蹟壯游深愧史遷才春陽
杲杲扶桑曉溟渤潏潏烟浪開

前題

文學 李斐章 樂安人

憑高極目奈愁何大海迴風濺白波一柱插空標碣石千
年無處認黃河漢皇御道生秋草魏武豐碑沒女蘿俯仰
永平府志

卷之二十三

星

當時形勝地亂山吹角牧鳴駝

前題

昌黎 王日翼 陽城人

一柱孤懸霄漢傍千秋禹蹟舊茫茫峰迴鴈塞關雲紫日
射鯨門海氣蒼汗漫殘碑埋徑草崔巍宮闕照扶桑朝宗
不有中流砥誰障洪濤萬里狂

秦皇島

邵 達

徐福樓船去不迴鑿輿會此駐叢臺千尋浪泊紛如雪萬
疊潮來吼似雷草樹尙然籠碧嶂烟霞依舊鎖蒼苔追思
漫憶長生藥回首沙丘事可哀

虎頭石

尤侗

將軍射虎陽山下視之石也虎所化至今石虎尚爭獍當
日將軍何叱咤數竒不遇高皇封時去反遭醉尉罵世上
誰無萬戶侯過此張弓不敢射

前題

文學姚士圭 桐城人

聞說將軍氣槩雄石邊駐馬想英風峯盤紫塞秋橫氣河
帶黃沙地接虹勲業至今稱射虎文章自古笑鵬蟲黔婁
苦被詩書誤校獵南山技未工

登五峯山謁韓文公祠

尤侗

永平府志

卷之二十三

哭

五峰青不斷引入白雲中春後山崖雪朝來海上風三鈎
菩薩井一尺大夫松怪石排如筆森嚴拱鉅公
先生高坐處北斗逼星寒松栢疑元冢芙蓉捧絳壇塞雲
浮雉堞海日照欄干把酒空冥外茫茫起百端

過昌黎謁韓文公祠

刑部白引謙 陽城人

碣石當海隅下有昔賢祠棟宇藹雲光階蘚幸未滋斯文
鄒魯後斯人實績之蕩闢障狂瀾功足並禹垂焉知乾坤
秀鍾蓄乃在茲我來肅酒掃瞻顧發歎咨微言尙不隔努
力崇令規

前題

東蔭商

雙栢祠堂碣石間高皇會此禮名賢文開大雅蓁蕪日道
峻元和諫諍年俎豆歲時嚴伏臘粉榆南北渺風烟只今
精爽依棲地多在蒼山碧海邊

前題

御史 楊本深

廟古風雲駐臺荒歲月長蛛絲羅饗殿蝸篆上頽牆封國
名尊重昇仙事渺茫重來追古跡感慨興多狂

前題

兵備 副憲 宋 琬 萊陽人

先生海岳姿實踐聖賢與介立貞元朝正氣何浩浩著論

永平府志

卷之二十三

巽

續微言傳薪在原道微公表章力孰障狂瀾倒茲邦廼故
里廟貌儼圭瑁鄉人困豺虎生齒嗟凋耗安得奮雲旗再
息鱷魚暴泰山不可躋俯仰餘深悼明禋展奉籩餘生願
執掃九原風雨中英爽與來告

前題

姚士圭

京兆遺墟碣石傍五峰山下舊祠堂叅天黛色青松老漾
日波光碧海長八代已能恢漢魏一封何事謫潮陽心源
未絕存原道賴有廬陵續瓣香

巡行過北平登孤竹堂望伯夷叔齊廟有感

刑部 尚書 魏象樞 山西人

孤竹何崔嵬兩聖高千古仰止夢魂間有懷常欲吐安得
陟山巔辦香頭一俯告我希聖心難濟蒼生苦凜凜對簡
書汗下渾如雨此行負朝廷愆尤何日補遙望乞神靈相
助驅豺虎灑水自無波澄清在畿輔

永平

陳蔭商

肥子城高北斗懸燕關東去路依然誰知戎騎揮戈地翻
見邊疆撤堠年春轉漁陽霜壓磧雲開碣石水連天墨胎
社稷今何處獨有西山二子傳

永平府志

卷之二十三

哭

秦皇島望海歌

通永 僉憲 宋 犖 商丘人

渤海之岍聳斷山橫截巨浪排雲烟人言此是秦皇島迴
岡輦道留依然白頭山僧葺古屋晨炊遠汲荒村泉危磯
犖确帶沙石盪胷萬里開長川天吳出沒老蛟舞百靈彷彿
驚濤前我來榆塞正秋晚蒼鷹叫侶摩青天鞞紋波細
風忽止白鷗容與殊清妍俄傾變幻不可測歸墟豈必非
桑田秦皇已去漢帝至孤臺野岍空千年蓬萊方丈在何
許一眉新月來娟娟解鞍脫帽便此住斫松煮菽容高眠
移情愛鼓水仙曲無須真到三神山秦碑磨滅蘚花繡誰

能與結翰墨緣欲鞭螭龍作海市良慚玉局登州篇

灤河泥月

東蔭商

雙舸凌風散鬱蒸飛觴度曲興堪乘自憐去國同王粲却
得同舟是李膺雲影微茫遙岸月林端明滅遠村燈滄溟
只在帆幟外莫道三山未可登

灤水歌

李士模

灤水一何清喧豨日不止迴風噴雪過大荒渡壑穿巖數
千里入關幾處抱巖城形勢如弓復如矢岸邊荒沙高接
雲波底驚石紛若齒黯黹能令白日寒天陰時有蛟龍起
永平府志

卷之二十三

吳

憶昔榆關正用兵旌旗白羽亂縱橫萬舸平衡波上月清
笳吹徹鼉鼉驚物換星移仍此水不改濤聲改戰壘兩兩
沙鷗弄夕陽落葉秋風傷遊子

偏涼汀登眺是故高大司馬別墅

尤侗

此地風塵埋斷碣當年歌舞醉芳茵荒丘剩有松楸在廢
屋行于鳥雀親秋水覺多濠濮意田家時侶武陵人峴山
魂魄應相憶俯仰興衰一愴神

偏涼汀

譚允謙

巖陰日氣少此地是偏涼石穴魚多美溪田稻更香村深

秋刈穫水濶夜鳴榔絕與江南似令人憶故鄉

前題

文學方 文桐城人

灤河東去海天空白草黃雲一望同惟有偏涼汀數里兩邊山色似吳中

同韓子新宿其先侍御公釣臺墓下 譚允謙

兵戈無恙有村春三十年前馬鬣封同踏此中山嶺月來聽今夜墓堂松先生早隱會如鳳烈士雖亡終是龍雨過堇頭多落葉文孫徃掃許游從

遊韓御史釣臺 方文

永平府志 卷之二十三

五

繡斧文孫老布衣風標棲遯繼前徽三公不易青山樂一艇長隨白鳥飛瀚海愁聞新戰伐灤河久別舊漁磯故園丘壑今如此胡不攜家自雒歸

公之孫鼎業避地中州

前題 文學顧絳

我登釣臺山喟焉念先民韓公昔盛年隱此甘垂綸九原不可作山水留清真于今有哲孫逸韻追芳塵獨抱文獻懷愧我非其人徒堅狷士節與公映于春鴻爪雖暫留龍性終難馴結交盡四海落落星向晨江湖倘相忘一咲情彌親

前題

進士

趙

瑾

太原人

繡衣人作後空却釣魚臺遠翠疑將滴孤峯駭欲摧嚴陵
君伴去謝眺我攜來一自佳城閉山河滿目哀

前題

宋 琬

先生蚤歲返丘園選勝垂綸此結軒到海遙看千派入倚
雲高見一峯尊月明華表松杉影雨洗丹梯杖履痕誰謂
風流難再嗣客星今已屬諸孫

秋日泛舟釣臺

趙 纘

秋潔灑如鏡孤帆向日開衣沾雲入座酒泛翠浮杯灘送
永平府志

卷之二十三

至

檣風急山迎人面來遙瞻峯突兀疑是子陵臺

南臺寺

李斐章

野寺高臺上登臨感慨生河流經絕塞山勢抱孤城破甕
殘僧去長廊落日明空塔餘老樹時有怪鴉鳴

夏居水岩寺

東蔭商

石蘿盤磴幽石髓熾雲流不歷諸天境焉知六月秋山蔬
隣叟採崖菓野僧收一榻堪容我浮生何所求

其二

鬱葱藏一徑巖嶂儼雙扉得樹堪消暑逢山可當歸行看

孤石立坐待片雲飛枯寂人誰解吾將杜德機

雲峯寺

遙岫亂雲黑古林殘月明臺荒多鳥跡樓圯斷鐘聲山鬼
披蘿出村僧夾澗耕前峯問何許碣石少人行

隆教寺

譚允謙

雪晴山寺趁朝登老衲相迎拄一藤鴻附尺書臨玉塞携

秣陵名衲書至馬馱梵册自金陵請南藏歸來同陝右樓禪客還問江

南結社僧隣廟尙存飛將在幾誰敢恃射鵬能

散米謠

永平府志

卷之二十三

五

一叟扶杖拄一嫗倚門佇一夫趨簷楹一媪隱庭柱手中

提一男懷中襁一女一農又一工一商又一旅一漁又一

樵一衲又一羽跛者步掣跚駝者立偃僂喑者呼嗚嗚瞽

者行踽踽尫者貌元黃裸者身藍縷寡妻逐鰥夫孤兒隨

獨父或操篋與瓢或携筐與管或以破帽盛或以敝衣取

或挈瓶託鉢或將雙手舉左去右復來前推後還阻數一

以至十至不可勝數丁男四千餘丁女三千許誰爲筭博

士分明黠鬼簿小吏在旁立徃徃識爾汝某也田舍翁某

也市門賈某也弓之子某也褐之父某裙而某釵蕭娘及

呂姥疇昔大有年各能立門戶饑則食肉糜寒亦被純紵
一旦遭凶荒死亡十去五壯者走四方弱者守此土聞有
發粟令百里爭趨府可憐良家子乃與乞丐伍性命且不
保廉耻何足語朝幸有米炊暮尙無薪煮今日更明日却
愁空廩庾予顧太守歎大無豈小補甲哺不及乙辰飽不
待午窮官干日糧窮民一日肚欲竭升斗儲衙內魚生釜
雖蠲尙方租難噓寒谷忝願繪饑民圖獻之上帝所大發
萬千倉散爲天下雨

春日白雲樓

尤侗

永平府志

卷之二十三

五

獨凭虛閣俯灤河蕭瑟涼風襟帶過不斷青山趨雉堞忽
來白浪出漁簑夕陽背隴牛羊下秋草平沙鴻雁多四野
荒蕪邨舍少十年回首幾干戈

雪峯寺迴舟卽事

李士模

薄暮垂山靄中流落照紅舟行蓼影上人語水聲中廬酒
堪遲月締衣不耐風隔林燈火近歸路響秋蟲

客有道盧龍風景者因賦

翰林侍講綦汝楫 高密人

渤海初歸客幽燕繞夢思秋風李廣石暮雨伯夷祠官舍
征鴻過女牆畫角悲川原連大漠冰雪帶春澌

秋杪遊白塔寺

新城李成性
遷安人

三十年前向此遊，今來重見梵宮修。
山峰紅映扶桑日，池水清分孤竹流。
柿葉可書籠舊塔，菊英堪泛對深秋。
吁嗟陶令無知己，空憶東林社裏儔。

午日遊黃臺山

瑞草新懸艾，嬌花已綻榴。
漁家三里近，僧舍十分幽。
仰陟黃臺巔，俯看灤水流。
渡頭人似蟻，山脚石如牛。
酒任醉翁意，詩尋騷客酬。
誰期重午日，還似暮春遊。

重遊龍泉寺

劉鴻儒

永平府志

卷之二十三

五

溽暑鬱我懷，携朋尋高爽。
出城見南山，幽况夙所賞。
龍泉久神異，風雨靈澤廣。
別來二十年，老健喜重往。
密樹結層陰，峭壁當沆漭。
哈呀窸窣入，薜蘿分披上。
躡翠陟其巔，大千指諸掌。
法王寶地尊，霞光羅萬象。
景趣猶如昔，理會頓殊曩。
探無悟無極，閱有謝有攘。
臨茲諸綠空，耳目餘清響。
留連恣遐矚，浩浩神氣朗。
桃源勿勞思，舍此將焉訪。

謁景忠山

尤侗

蹬道盤盤七十二，板車宛轉似猿捫。
羣峰皆作兒孫立，絕頂應知天姥尊。
夜月靈旗招五岳，春風社鼓走千村。
迎神

擬賦離騷曲欲薦湘君乏蕙蓀

恭紀三屯營駐蹕

遷安 王永命 臨汾人

望裏龍旗掣海雲晴光瑞靄競繽紛六師濟濟從神武萬
姓欣欣祝

聖君自是虞廷昭典禮非同漢帝樂河汾昇平事業今歡邁

朱鷺鏡歌次第聞

聖水寺看紅葉

撫寧 趙端 錢塘人

秋色明郊甸招遊古寺隈禪關寒日滿林葉曉霜催作籟
叅仙梵如花照客杯御溝非聖水傳語莫飛來

永平府志

卷之二十三

五

溫泉

余淮 沔陽人

平山東北赤龍眼吐出炎濤洗俗綠冷眼何堪對熱海癡
腸空自浴湯泉水高絕塞波長煖雪滿荒坡水亦煎客裡
塵懷滌不去一聲長嘯白雲邊

花洞水簾

諸元壽 山陰人

泉飛來兮出山崦流爲瀑兮凝爲簾望之玲瓏兮日光暹
洞中有人兮披素縑鑿而飲兮何其廉日坐冰壺兮絕塵

纖

春日遊紫霞洞

馬惕然 沔陽人

東南一帶清心目有此千峰插翠微人在下方衝日上鶴
從高處破煙飛水深巖落寒侵骨門靜花開色照衣欲識
蓬萊今便是更於何地學忘機

遊棲霞寺

宮詹沈荃華亭人

陟磴循松逕携樽坐石磯野花晴落帽山翠冷沾衣地僻
留僧話亭虛待鶴歸我來倦執掌到此已忘機

前題

徵君夏駟湖州人

覺路元花柳空山忽管絃衆香生白社獨鶴下蒼烟洗耳
從聽曲纏頭不費錢異時風土記可共虎溪傳

永平府志

卷之二十三

奚

柳亭樓遠眺

北風簫瑟鴈聲闌十月邊城草木殘息足乍忘關塞遠登
臨陡覺地天寬雲開免耳雙峰峻日落牛頭大海寒幾欲
振衣臨碣石不知蜃氣共誰看

前題

趙端

蕭蕭冰署未全荒留得飛樓傍古墻山入畫圖偏著雨樹
如圍帶半迎霜兩年宦跡家何處千里羈懷塞正長却愛
公餘多嘯咏茗鑪新煮石泉香

蓮蓬山觀海歌

貢士趙景徠撫寧人

驪城形勢臨盧龍塞垣千里當要衝兩京拱峙咽喉通背
枕溟渤開鴻濛濱海有嶺號蓮蓬懸崖削就金芙蓉海光
山勢相爭雄怒濤隱隱凌太空我來登時秋正濃湖滸上
下吹天風雙螭初起馭祝融元氣磅礴涵蒼穹咫尺蜃樓
變化中早潮欲上雷霹靂登萊城郭烟霧隴三山何處求
秦童祖龍鞭石杳無踪征遼遺蹟推唐宗張騫無復乘槎
功采芝徒羨安期翁俯仰今古誰復同八荒吞吐歸心胸
酒酣援劍噴長虹光芒倒射鮫人宮安得騎鯨直向煙波
冲倏忽已抵扶桑東

永平府志

卷之二十三

五

榆關

王

模

無錫人

絕壁開天險千尋控塞垣荒沙寒白骨新鬼嘯黃昏水急
蛟龍怒山深虎豹屯當年百戰地遺恨至今存

雨後西五峰

宋 琬

襍被星河近人同野鳥栖片雲孤嶂起一雨萬松迷城郭
微微見峰巒漠漠低不辭苔徑滑更欲杖青藜

東五峰

已謂西峰好東峰更不羣懸崖疑削刃古木善藏雲海色
朝來變泉聲雨後分何年此高卧自剪薜蘿裙

登五峰山

王曰翼

青旻丹嶂合攀陟最高頭海氣朝成雨松陰曙欲秋石幢
迎露洗雲竇泛泉流吏况同僧拙登臨足勝遊

新秋登龍潭

貢士張莊臨
昌黎人

積雨秋初霽新涼已透裳泉嘶夜疑雨沙皎月如霜極聽
窮邊靜愁看野塞長登崖時一嘯終老此僧房

東五峰中秋看月

靖江張元復
昌黎人

玉虬初駕冰輪上一片清光發嶺東素魄傳來松際影幽
香時送桂邊風乘涼身在瑤臺畔踏影人行水荇中坐久

永平府志

卷之二十三

五

不知霜露冷寒裳擬入廣寒宮

登五峯山望海

國學彭延禎
杏山人

北平山水稱五峯五峯屹立摩蒼穹秋來絕頂試登眺林
壑如畫烟濛濛地盡忽驚天水合怒潮千丈騰蛟龍山僧
指點爲東海沐日浴月波濤紅昔我鼓棹江湖內茫茫已
嘆排長空谷王真與凡水別百川巨細皆朝東吁嗟乎秦
皇漢武意無窮渡海欲尋蓬萊宮只今三島杳何處秋日
遙射玻璃中

祥雲島

文學曹爾俊
樂亭人

海嶽龍從一抹斜馮夷曾此駐雲車登臨每羨三春浪眺
望遙期八月槎層氣朝騰疑舞鶴鯨鼉夜吼憐悲銘何當
一假乘風翼爲訪三山問玉華

關門秋夜

翰林降官
衛岸教授韓雄胤
高陽人

靜夜蟪蛄響新涼蟋蟀吟三山歸遠夢一葉助悲心月色
凄團扇霜華冷素襟幽人寥落意不待九秋深

登澄海樓觀海

尤侗

茫乎望洋向若嘆大哉歸虛渺無岸近視爭看白馬奔遠
觀不辨青霓斷似雷非雷聲殷殷魚驚顛倒騰千軍駭浪

永平府志

卷之二十三

堯

乍浮出地日驚潮翻射垂天雲方丈蓬瀛疑咫尺漢武秦
皇心欲死鮫室蜃樓有若無瑤臺瓊闕非耶是飄飄我亦
凌雲遊海風吹搖城上樓援琴爲奏水僊操鼓櫂不見魚
翁舟東望獨存姜女墓精衛填成血淚注縱使銀濤萬丈
高不到墳頭草青處西行更上海神祠羅襪凌波來幾時
霧髻烟鬟光窈窕夜深鼙鼓舞馮夷土人指點先朝事十
年以前風景異關上皆屯細柳營塹邊亂蹴桃花騎水犀
之師蔽艤艤木牛之糧銜舳艫鐵甲將軍吹威栗膳脂小
婦醉醄醄只今眼中一事無寒沙蕭蕭鴈飛疾仰頭屹峙

長城孤惟有滄海依依在滄海尙變桑田枯而我感嘆何爲乎

登澄海樓

翰林

周體觀

祖龍鞭石神蛟怒喝族橫洋領北注九點煙州天盡頭九泥封隘不封愁踏斷秦城迴鴈影戍樓直取滄溟枕馮夷起舞闖風寒誰伐鼙鼓沸狂瀾折蘆欲凌碧波去自恨凡骨沉于石檜可楫兮松可舟元嶠如何不可遊邈邈余懷望仙子東拜貞娘能不死借問隴西李細眉一泓水瀉幽夢時而今白玉樓中看俯身下視見不見

永平府志

卷之二十三

卒

前題

郡判

陳天植

永嘉人

天風日夜吼萬里雄濤漾元氣接青冥夕陽歸島上蓬萊弱水隔倚檻遙相望何處覓神仙孤懷獨惆悵愛此百尺樓滌我塵中况徘徊未能去薄醉松花釀

觀南海口

劉鴻儒

汪洋一派碧天低何事潮龍不穩栖喧吼波中橫紫塞風雲靜裏對青齊曉光浩瀚俗襟洗暮景依稀彼岸迷久擬仙艤從性適餐霞高友願相携

貞女祠

陳天植

迢迢長城路纖纖弱女身不憚萬餘里尋夫遼海濱夫誓
從征役勞勞多苦辛耐此霜雪威白骨委黃塵寒衣剛送
到不見戾戾人對茲築愁者翻令蛾眉顰登高遙悵望水
石空粼粼可憐妾薄命哀怨難具陳夫魂不可招淚血傾
城闈婦心金石堅此生聊以殉長城役方罷二世已亡秦
至今千載下貞女祠猶新東海有滄桑斯墳無沉淪偶來
憑弔生悲歌當繫蘋

重九登角山遇雨

劉鴻儒

振腕登高菊正翻翠微深處紺宮依歲荒山寂遊人少秋

永平府志

卷之二十三

空

老邊寒過鴈稀開代戰場眼底濶舊時烽塞嶺頭魏歡酬
萸瓊情何極妬雨催歸恨落暉

登首山亭

郡守 陳 丹 山陽人

重陽過半又登高大將開筵擁節旄山領羣峰排翠嶂海
當停午湧銀濤採花共泛杯中菊剖蟹爭持醉後螯傳道
荒陬多虎豹暮歸共欲控弓刀

前題

禮部 郎中 余一元 山海人

攬勝翫高亭重巒繞翠屏閒雲挂遠岫澗水漾寒汀平眺
海波碧環觀峯色青銜杯逸興發長嘯動山靈

重九登首山

佳節宜登高杖履首山隅冠蓋集僚友紳儒接歡娛大海
亘蒼茫層巒積崎嶇一水紆曲流怪石蟠覆孟樵採互來
往烟雲乍有無古廟羅盤餐亭趾飛濃醪樵豎向我言猛
虎初負嶠醉後厲聲呼我輩叱咤驅薄暮聯鑣散山空秋
月孤

角山寺

彭延禩

已登望海樓更遊角山寺石磴盤山阿廻環閱佳致力倦
席草坐息定還聶屬精舍忽在眼布置存古意烹茶品名
永平府志

卷之二十三

奎

泉俯仰窮天地雲水河渺茫城市燦若織伊余丘壑性未
遂棲隱志徒羨山中僧日看海潮至

晚登古長城戍樓

陳天植

薄暮登高古戍樓長城雄峙海東頭燕山冷照秦時月榆
嶺遙傳白帝秋浪說終軍能欵塞獨憐李廣不封侯當年
誰設安邊計萬里雲寒似築愁

別郡丞楊璽卿

諱奕縮
河內人

郡守

華

黃

無錫
人

謁選相同郡亦同同辰策馬赴畿東兩年自矢皆冰雪一
壁相依共兩風慈愛頌聲盈道左賢勞佳節半途中北平

賴有關西在可許林泉憩此翁

別同城駐防固山阿君

鐵券承恩受世綸分防邊郡淨風塵能持豐沛軍興法善
撫南陽親舊人城市止須嚴鎖鑰村莊不用遍邏巡臨岐
執手為君語鞏固金湯在衛民

寄永平張使君

諱朝琮
蕭山人

檢討

毛奇齡

蕭山人

車前八隊引鳴騶家有司空舊列侯李勉未經懷北闕張
華早已守平州陽山對酒官花曙盧水塞帷錦浪秋退食
稍閒能嘯咏令支城外即丹丘

永平府志

卷之二十三

奎

春遊夷齊祠四首

用陶靖節
時運原韻

國學

張文瑞

蕭山人

遲遲春日卜茲芳朝言策我馬于彼雪郊清風有臺上徹
雲霄我遊其下采薇之苗

豈無清流我纓斯濁豈無高山供我遐矚古人有言惟日
不足迨此良辰云何不樂

言有春衣豈必浴沂亦有童冠可以詠歸雖無絲竹清風
發揮西山夷叔邈焉莫追

瞻烏爰止伯夷之廬我行其野舍此焉如青山在眼名酒
在壺有風自東飄飄吹余

謁清節祠

國學 傳以德仁和

俗子拜清光清風冷俗腸求仁雙去國取義獨存商馬首
詞何壯山中蕨更香周畿今已矣孤竹不滄桑

前題

代府幕 朱凜延

國學 金

堂

山陰人

惟二士兮高風超終古兮隻絕綬故土兮立廟承

天子兮褒錫奉烝嘗兮荔蕉馨髣髴兮薇蕨厥兩廡兮會鼓

響繁音兮促節羌偃蹇兮雲旂爰縹緲兮靈魄在天上兮

乘箕尾歸祠像兮棲松栢松與栢兮乃負靈傍西山兮挺

高節後世無此義兮深太息予登臺重為題曰日見官民

永平府志

卷之二十三

畚

廉蹈茲孤竹里清風激臺上臺下得興起

送徐學博之任永平

貢士 余隆徵 山陰人

書帶翩翩羨鄭虔一官最好是青氈何當縱飲揮毫處俸

薄難支買酒錢

其二

官冷須知事事忙于思古貌氣飛揚整襟絳帳談經後又

著萊衣舞一場

其三

息耕手澤跡猶新十五年來讀幾巡牛背秋風書滿載知

君必不厭官貧

其四

陽山景色到秋奇不讓江東楓落時客夢還因鄉夢起霜
林遲我譜新詞

出西門觀灤河漫興

郡庠 司訓 徐香 宛平

水帶城門軌城外灤河水水飲城中民民日汲於是吾為
窮其源塞北來千里上都會諸水漆激注其裏靈雨七八
月秋漲勢莫已百川爭歸海洪濤各自起臯陸為之翻魚
龍窟宅徒灤不遵其河汎濫吞居止不見已丑夏賊水急

永平府志

卷之二十三

奎

如矢勢作萬馬奔直欲傾百雉蕩然浸樹杪湍悍猶如此
年來遇水平登眺竊自喜河流循故道長如一幅紙泯泯
東南瀉遠近資生理田家得灌溉春耕見舉趾

德及中外熙熙及邊鄙寒氈塵可濯清遊浴沂比扁舟溯
上流還去謁義士

送盧龍宰晏鹿菴歸黔

并序 貢士 徐麟生 盧龍人

晏侯黔中翹楚畿輔甘棠學貫天人綠挺郊林之
桂譽隆賢宰紅稠潘黥之花甌沉萊蕪之魚門庭
簡寂壘習中牟之雉民物熙和固已卑耳溪邊人

安耕鑿肥如國內戶有絃歌然而捧檄爲歡不啻
廬江之毛義迴車知警深惟蜀道之王陽得遺君
羨反悲風木公則勉爲孝子民曰奪我神君懷杜
母以五年黎庶那堪卧轍冀寇君於茲日麟輩聊

頌口禪

盛朝咨有道昭代見真儒經術魁多士文章辟萬夫鄉闈
誇入彀盧邑幸分符撫字恩淪髓催科痛切膚直教歌五
袴已免歎無襦庭際閒生草鞭來或示蒲中牟看集雉葉
縣好飛鳧忽訝神君去因悲太母徂手中驚有鳳枝上遇

永平府志

卷之二十三

矣

啼烏借寇情如縷攀轅淚似珠宦歸堪載土客滯類窮途
奚啻朋皆散還兼鶴亦無一錢臨去擲二水與清俱自荷
屏書異竚膺牘薦殊栢梧看擢用霖雨被寰區青史芳名
永循聲達

帝都

永平府志卷之二十三終